

Կ Ա Ն Ո Ն Ա Դ Ր ՈՒ Թ Յ ՈՒ Ն
ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱՅԻ
ԻՐԱՎԱԳԻՏՈՒԹՅԱՆ ՖԱԿՈՒԼՏԵՏԻ

ԸՆԴՀԱՆՈՒՐ ԴՐՈՒՅԹՆԵՐ

1. ՀՀ ոստիկանության կրթահամալիրի ակադեմիայի իրավագիտության ֆակուլտետը (այսուհետ՝ ֆակուլտետ) իրավագիտություն մասնագիտության գծով ուսումնական և ուսումնաօժանդակ գործընթացների կազմակերպումն ու իրականացումն ապահովող կառուցվածքային ստորաբաժանում է:
2. Ֆակուլտետն իր գործունեության ընթացքում ղեկավարվում է ՀՀ Սահմանադրությամբ, «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքներով, «ՀՀ ոստիկանության ակադեմիա» պետական հիմնարկը վերակազմակերպելու և «ՀՀ ոստիկանության կրթահամալիր» պետական ոչ առևտրային կազմակերպության կանոնադրությունը հաստատելու մասին ՀՀ կառավարության որոշումով, ՀՀ ոստիկանության պետի հրամաններով, ՀՀ ոստիկանության կրթահամալիրի ներքին իրավական ակտերով և այլ իրավական ակտերով:
3. Ֆակուլտետի լրիվ անվանումն է՝
Հայերեն՝ «Իրավագիտության ֆակուլտետ»:
Ռուսերեն՝ «Юридический факультет».
Անգլերեն՝ «Faculty of Law».
4. Ֆակուլտետը, որպես ՀՀ ոստիկանության կրթահամալիրի կառուցվածքային միավոր, ստեղծվում, վերակազմակերպվում և լուծարվում է ՀՀ ոստիկանության պետի հրամանով:
5. Ֆակուլտետի կանոնադրությունը, դրա փոփոխությունները և (կամ) լրացումները հաստատվում են ՀՀ ոստիկանության կրթահամալիրի պետի հրամանով:
6. Ֆակուլտետն օժտված է սույն կանոնադրությամբ և այլ իրավական ակտերով սահմանված լիազորություններով:

7. Ֆակուլտետն ունի իր անվանումը, կարող է ունենալ ձևաթուղթ(բլանկ) խորհրդանիշ և անվանմամբ կնիք:

ՖԱԿՈՒԼՏԵՏԻ ԿԱՌԱՎԱՐՈՒՄԸ

8. Ֆակուլտետի գործունեությունը կազմակերպում և ղեկավարում է Ֆակուլտետի պետը:

9. *Ֆակուլտետի պետը նշանակվում է ՀՀ ոստիկանության պետի հրամանով:*

10. Ֆակուլտետի պետը հանդիսանում է Ֆակուլտետի ամբողջ անձնակազմի անմիջական պետը և օգտվում ի պաշտոնե իրեն վերապահված լիազորություններից:

11. *Ֆակուլտետի պետի լիազորություններն են՝*

- 1) Ղեկավարում է Ֆակուլտետի աշխատանքները.
- 2) Ֆակուլտետի պետը ենթարկվում է ակադեմիայի պետին և նրա տեղակալին.
- 3) Ղեկավարում է Ֆակուլտետի ուսումնական, կազմակերպչական, դաստիարակչական աշխատանքները.
- 4) Կազմակերպում և անցկացնում է ամբիոնների հետ խորհրդակցություններ.
- 5) Ներկայացնում է միջնորդություն Ֆակուլտետի մշտական անձնակազմի կադրերի ընտրության, տեղաբաշխման, կոչում տալու, խրախուսելու կամ կարգապահական տույժի ենթարկելու մասին.
- 6) Վերահսկում է ուսումնական պլանների, ուսումնական գործընթացի գրաֆիկի, ուսումնական և նախաավարտական պրակտիկաների կատարման ընթացքը.
- 7) Իրականացնում է քննությունների և ստուգարքների անցկացման վերահսկողությունը.
- 8) Պատրաստում և կրթահամալիրի պետի հաստատմանն է ներկայացնում Ֆակուլտետի սովորողներին կուրսից կուրս տեղափոխման, պրակտիկաների կազմակերպման հրամանների նախագծերը.
- 9) Ղեկավարում է Ֆակուլտետի անձնակազմի մասնագիտական մակարդակի բարձրացման աշխատանքները.
- 10) Կոորդինացնում և իրականացնում է համագործակցման աշխատանքներ կրթահամալիրի և այլ բուհերի համապատասխան Ֆակուլտետների հետ.
- 11) Օժանդակում է կրթահամալիրի ծառայողների և սովորողների հանրային ակտիվությանը և սպորտային-մշակութային միջոցառումներին.
- 12) Ֆակուլտետի պետը բարեխղճորեն իրականացնում է իր գործառույթները, որոնք ողջամտորեն պետք է ուղղված լինեն Կրթահամալիրի օրինական շահերի ապահովմանը:

12. Ֆակուլտետի պետի հրահանգները պարտադիր են Ֆակուլտետի աշխատողների և սովորողների համար:
13. Ֆակուլտետի գործունեության ընթացիկ հարցերի քննարկման համար Ֆակուլտետում գործում է խորհրդակցական մարմին՝ ֆակուլտետի խորհուրդ:
14. Ֆակուլտետի խորհուրդը Ֆակուլտետի պետի նախագահությամբ գործող խորհրդակցական մարմին է, որի որոշումները պարտադիր են Ֆակուլտետի սովորողների և աշխատողների համար:
15. Խորհուրդը ձևավորվում է հետևյալ կազմով՝
 - 1) ի պաշտոնե Խորհրդի անդամներ են՝ Ֆակուլտետի պետը (նախագահ), պետի տեղակալը, ամբիոնների պետերը.
 - 2) մեկական անդամ իրավագիտության Ֆակուլտետում ուսումնական գործընթացի իրականացմանն օժանդակող Կրթահամալիրի այլ ստորաբաժանումների ամբիոններից.
 - 3) իրավագիտության ֆակուլտետի՝ (վճարովի և անվճար) յուրաքանչյուր կուրսից մեկական սովորող (առնվազն 25 %).
 - 4) Ֆակուլտետի պետի առաջարկությամբ խորհրդի կազմում կարող են ընդգրկվել նաև պետական և/կամ այլ կազմակերպությունների՝ Ֆակուլտետի մասնագիտությանը համապատասխան ոլորտի ներկայացուցիչներ, ինչպես նաև ՀՀ կրթահամալիրի ուսումնական գործընթացի իրականացմանը աջակցող ստորաբաժանումների ներկայացուցիչները (մինչև Խորհրդի կազմի անդամների 25 %):
16. Խորհուրդը պետք է բաղկացած լինի առնվազն 15 անդամից:
17. Խորհրդի լիազորության ժամկետը 5 տարի է: Ֆակուլտետի խորհրդի կազմը հաստատվում է ՀՀ ոստիկանության կրթահամալիրի պետի հրամանով:
18. Ֆակուլտետի խորհուրդը՝
 - 1) ստորաբաժանումներ ստեղծելու, վերակազմավորելու և լուծարելու վերաբերյալ միջնորդություններ է ներկայացնում ՀՀ ոստիկանության կրթահամալիրի պետին՝ ՀՀ ոստիկանության պետին առաջարկություններ ներկայացնելու համար.
 - 2) քննարկում և լուծում է Ֆակուլտետի ուսումնական աշխատանքների, միջազգային կապերի և այլ գործունեության հետ կապված հարցեր.
 - 3) սահմանված կարգի համաձայն՝ առաջարկություններ (միջնորդություններ) է ներկայացնում պրոֆեսորադասախոսական կազմին և Ֆակուլտետի անձնակազմին խրախուսելու վերաբերյալ.
 - 4) լսում է ֆակուլտետի պետի ամենամյա հաշվետվությունները, գնահատում է նրա գործունեությունը.

- 5) քննարկում և հաստատում է Ֆակուլտետի կիսամյակային քննաշրջանի արդյունքները.
- 6) լսում է Ֆակուլտետում կատարվող կրթական գործունեությունների վերաբերյալ հաղորդումները.
- 7) մշակում և իրականացնում է միջոցառումներ Ֆակուլտետում սովորողների կրթության որակը բարձրացնելու ուղղությամբ.
- 8) քննարկում և հաստատում է ուսումնական գործընթացին օտարերկյա մասնագետների ներգրավման անհրաժեշտությունը, պահանջները և վերաբերելի այլ հարցեր.
- 9) լուծում է սույն կանոնադրությունից բխող՝ Ֆակուլտետի գործունեության հետ կապված այլ հարցեր:
19. Ֆակուլտետի խորհրդի նիստը համարվում է իրավազոր, եթե դրան մասնակցում է անդամների առնվազն 2/3-ը: Ֆակուլտետի խորհրդում որոշումներն ընդունվում են նիստին ներկա անդամների ձայների պարզ մեծամասնությամբ: Խորհրդի քարտուղարի թեկնածուն առաջադրվում է խորհրդի նախագահի կողմից և ընտրվում է խորհրդի նիստում: Խորհրդի քարտուղարը նախապատրաստում է խորհրդի նիստի օրակարգի նախագիծը և խորհրդի անդամներին տեղեկացնում է այդ մասին նիստի անցկացումից առնվազն երեք օր առաջ:
20. Խորհրդի նախագահն իրականացնում է հսկողություն խորհրդի որոշումների կատարման նկատմամբ:
21. Խորհրդի նիստերը հրավիրվում են ըստ անհրաժեշտության:
22. Ֆակուլտետի պետի բացակայության դեպքում խորհրդի նիստը վարում է ՀՀ ոստիկանության կրթահամալիրի պետի հրամանով նշանակված անձը:
23. Ֆակուլտետի խորհրդի նիստերն արձանագրվում են: Արձանագրության մեջ նշվում են նիստի անցկացման ժամանակը, ներկա անդամների անունները, օրակարգի հարցերը, քվեարկության դրված հարցերը, քվեարկության արդյունքները, ընդունված որոշումները: Արձանագրությունը ստորագրում են նախագահողը և քարտուղարը: Քարտուղարը կրում է անմիջական պատասխանատվություն արձանագրությունը ճիշտ կազմելու համար:
24. Խորհրդը կարող է իրացնել ՀՀ օրենսդրությամբ սահմանված այլ լիազորություններ:

**ՖԱԿՈՒԼՏԵՏԻ ԽՆԴԻՐՆԵՐԸ, ԳՈՐԾԱՌՈՒՅԹՆԵՐԸ ԵՎ
ԼԻԱԶՈՐՈՒԹՅՈՒՆՆԵՐԸ**

25. Ֆակուլտետի խնդիրներն են՝

- 1) պատրաստել իրավագիտություն մասնագիտությամբ բարձր որակավորմամբ մասնագետներ.
- 2) նպաստել միջազգային կրթական համագործակցությանը.
- 3) օժանդակել ուսուցման որակի միջազգային (եվրոպական) չափանիշների ներդրմանը.
- 4) իրականացնել համապատասխան բնագավառում ուսումնամեթոդական հետազոտություններ.
- 5) ապահովել կրթական գործընթացի թափանցիկությունը և հրապարակայնությունը.
- 6) նպաստել սովորողների արժեհամակարգի ձևավորմանը՝ հիմնված ազգային և համամարդկային, մարդասիրական, և բարոյական սկզբունքներով:

26. Ֆակուլտետի գործառույթներն են՝

1) Կրթական ոլորտում՝

ա. կազմակերպել Ֆակուլտետի սովորողների ինքնուրույն և լսարանային աշխատանք,

բ. ապահովել կրթական ծրագրերով նախատեսված դասախոսությունների, գործնական, լաբորատոր և այլ պարապունքների պատշաճ անցկացումը.

գ. վերահսկել կրթության կազմակերպումը առկա պահանջներին համապատասխան.

դ. կազմակերպել և վերահսկել գիտելիքների ստուգման անցկացումը.

ե. իր իրավասության շրջանակում իրականացնել ուսուցման որակի մշտադիտարկում:

2) Մեթոդական ոլորտում՝

ա. կազմակերպել և վերահսկել կրթական գործունեության մեթոդական և տեղեկատվական համակարգի ապահովումը.

բ. իր իրավասության սահմաններում վերահսկել մանկավարժական գործունեության որակը, ներկայացնել Ֆակուլտետի ուսումնական գործընթացում ներգրավված աշխատակիցների կարգապահությանը նպաստող և խրախուսող գործողությունների վերաբերյալ առաջարկություններ.

գ. աջակցել սովորողների ինքնակառավարման մեխանիզմների զարգացմանը.

դ. ստեղծել պայմաններ ուսանողների ինքնուրույն գիտական, ստեղծագործական գործունեության, անհատական կարողությունների զարգացման համար.

ե. ապահովել և վերահսկել Ֆակուլտետի սովորողների պրակտիկաների նախապատրաստման և իրականացման գործընթացը:

27. Ֆակուլտետի լիազորություններն են՝

- 1) Վերահսկողություն իրականացնել առաջադրված խնդիրներին և առկա պահանջներին համապատասխան ուսումնական գործընթացի իրականացման նկատմամբ.
- 2) մասնակցել ներպետական և միջազգային գիտակրթական և հետազոտական միջոցառումների.
- 3) օգտագործել ժամանակակից կրթական, տեղեկատվական արդյունավետ տեխնոլոգիաները՝ իր առջև դրված խնդիրների և նպատակների իրագործման համար.
- 4) արդյունավետ օգտագործել Ֆակուլտետին հատկացված նյութատեխնիկական, տեղեկատվական ռեսուրսները.
- 5) պահպանել և բարձրացնել ՀՀ ոստիկանության կրթահամալիրի հեղինակությունը.
- 6) ապահովել սովորողների ներկայացուցչական մարմինների հետ արդյունավետ և պատշաճ համագործակցությունը.
- 7) իրականացնել իր գործունեությունից բխող այլ լիազորություններ:

ՀԱՄԱԳՈՐԾԱԿՑՈՒԹՅՈՒՆ ԵՎ ԿԱՊԵՐ

28. Ֆակուլտետը համագործակցում է՝

- 1) համապատասխան ստորաբաժանումների հետ համատեղ միջոցառումների (կոնֆերանսներ, խորհրդակցություններ և այլն) կամ ուսումնական գործընթացի կազմակերպման, այդ թվում՝ նաև դասացուցակների համապատասխանեցման նպատակով.
- 2) այլ բուհերի համապատասխան Ֆակուլտետների հետ՝ համատեղ ծրագրերի իրականացման և այլ նպատակներով՝ կրթահամալիրի կանոնադրության, կառավարման մարմինների կողմից ընդունված որոշումների, սույն կանոնադրության և այլ իրավական ակտերի հիման վրա.
- 3) պետական մարմինների և կազմակերպությունների հետ՝ սովորողների փոխանակման, կրթաթոշակային և դրամաշնորհային ծրագրերին մասնակցության, փորձի փոխանակման և այլ նպատակներով.
- 4) համապատասխան ստորաբաժանումներին ներկայացնում է Ֆակուլտետի գործունեության հաշվետվություն յուրաքանչյուր ուսումնական տարվա կտրվածքով, ծառայողական և ուսումնական գործընթացի կազմակերպման հարցերով գրություններ (սովորողների տեղափոխման, հեռացման, ազատման,

վերականգնման, ուսումնառության ընդհատման մասին, սովորողների ուսման վարձը մասնակի կամ լրիվ փոխհատուցելու վերաբերյալ և այլն):

ԵԶՐԱՓԱԿԻՉ ԴՐՈՒՅԹՆԵՐ

29. Ֆակուլտետի առջև դրված խնդիրների ու գործառույթների պատշաճ և ժամանակին իրականացման պատասխանատվությունը կրում է Ֆակուլտետի պետը:

30. Ֆակուլտետի աշխատակիցների իրավունքները և պարտականությունները սահմանվում են ՀՀ օրենսդրությամբ և աշխատանքային (ծառայությունների վճարովի մատուցման) պայմանագրով, սույն կանոնադրությամբ, ներքին իրավական ակտերով և սահմանված կարգով հաստատված այլ փաստաթղթերով: